L'HOROSCOPE DE IVLES MAZARIN,

Naisuement & fidellement expliquée des Centuries de M. Nostradamus. tant du passé, present qu'aduenir.

Ensemble des Epithetes & Thesme Celeste sur toutes les Lettres de son Nom & sur-nom.

LE POVRTRAICT DE SON PERE.



A PARIS,

M. DC. XLIX.

Epithetes sur le nom con surnom de Iules Mazarin.

-ncapable. En ses charges **<ilain** En ses desportemens mascif En ses gestes Haquais. En sa condition Des secrets du Conseil msuenté. vensuel. En sès appetits Zalicieux. En toutes choses Sur les plus grands >udacieux. En bouffonneries Nany. Aux gens de merites Duare. zapineux. Des biens du peuple A commander -nhabile. En son parler Zazard.

Enigmes sur la vie de Iules Mazarin.





L'HOROSCOPE

DE

IVLES MAZARIN,

Extraicte & naifuement expliquee des Centuries de M. Nostradamus.

VOY que l'espée n'empesche la lecture des Liures traictans des sciences Astrologiques, l'occurrence du temps present m'a faict venir en memoire d'auoir leu autressois vn liure imprimé à

Lyon, intitulé les Centuries de M. Nostradamus, la curiosité me sit entrer dans mon estude asind'y parcourir ce liure pour voir si ie n'y trouuerois point quelque chose de remarque qui se peut adopter & approprier aux affaires du temps, lequel ayant attentiuement leu & releu, ensin'y trouuay deux Centuries principalles à ce subject, qui predisent naisuement & entierement l'Horoscope de Iules Mazarin indigne Cardinal, comme pareillement les causes des troubles, dans lesquels la Francese trouue maintenant embarassée, non que ie vueille attribuer iceux troubles prouenir de la fatali-

944.03

872322

M475m No. 1665 té des Astres, mais seulement de la puissance du Createur.

L'explication de ces deux Centuries est si claire & si facile, que les moins sçauans n'auront point de peine à les resoudre n'y à les expliquer, neantmoings pour contenter vn chacun, i'en donneray l'explication succinte & abregée telle que s'ensuit.

CENTURIE QUARANTE-DEVX.

Quant Innocent tiendra le lieu de Pierre, Le Nirazam Cicilien (se verra En grands honneurs) mais apres il cherra, Dans le bourbier d'vne (iuille guerre.

Pour la parfaite intelligence de cette Centurie, il est necessaire d'expliquer chaque vers en son particulier.

Quant Innocent tiendra le lieu de Pierre,

Ce premier vers nous signisse le temps present désnotté par le Pontisicat du Pape Innocent X. à present seant au Siege Apostolique, duquel S. Pierre a esté le premier.

Le Nirazam Cicilien.....

Ce deuxiesme vers nous donne la cognoissance du surnom & du pays du Iules, car tournant à rebours ce mot de Nirazam, vous trouverez Mazarin sans addition ny diminution d'aucune lettre, Cicilien n'a besoin d'explication, nous apprenant le lieu de sa naissance.

(se verra

BO. SAS

En grands honneurs

Les mots qui sont enclos dans cette parenthese, donnent à cognoistre la puissance qu'il a eu ë iusques à present auprés du Roy, de toute la Cour, & pareillement sur tout le Royaume, ayant tout boulleuersé à sa faitaisie pour regir tout auec plus d'authorité.

Mais apres il cherra dans le bourbier d'une (iuille guerre.

La conclusion de cette Centurie nous faict cognoistre sa cheute toute éuidente par la guerre qu'il a luy mesme allumée parmy le Peuple François, mais Dieu permettra ensin qu'il demeurera dans le bourbier, sans s'en pouuoir retirer qu'à sa honte & consusson, à la gloire du Roy, à l'honneur du Parlement, & au prosit de toutela France.

Voilà donc l'explication entiere de la premiere Centurie, reste maintenant à expliquer & resoudre celle d'apres qui commence.

Lutece en Mars, Senateurs en credit.

Dautant que plusieurs qui ignorent le Latin ne sçauroient qu'entendre par ce mot de Lutece, il est besoin
qu'ils sçachent que c'est l'ancien nom de Paris, que l'on
nomme encore Lutetia en Latin, qui signisse lieu bourbeux, où est scituée cette superbe Cité, où les plus hauts
& plus illustres Senateurs, qui sont nos Seigneurs du
Parlement, sont admirer leur sage conduitte en des affaires si pressantes. Ce mot de Mars signisant les ar-

mes que les habitans de Paris ont prises contre le party d'vn si pernicieux Ministre.

Par une nuict Gaule sera troublée.

Ce sut par vne nuict veritablement que la France a esté troublée, puisque celle de la veille des Roys Iules Mazarin enleua le Roy hors de son Palais ordinaire, sans seulement en donner la cognoissance à ceux qui doiuent estre tousiours auprés de sa personne.

Du grand Cræsus l'Horoscope predit, Par Saturnus sa puissance exillée.

11 peut à bon droit estre appellé Crœsus, puis que par ses violences a extorqué & enualy toutes les richesses du Royaume, en ayant fait à son propre; mais estant menassé par Saturne, qui suiuant les Philosophes Cabalistes, suiuant l'Analogie qu'ils font des sept Planettes aux sept metaux, appellant l'or Soleil, l'argent Lune, le cuiure Venus, l'estain Iupiter, le fer Mars, l'argentvif Mercure, & le plomb Saturne, il se verra enfin que le plomb pris pour Saturne, poussé par la violence & force du feu, rendra sa puissance exillée, chassant au loin celuy qui par Arrest du Parlement a esté declaré perturbateur de l'Estat & du repos du peuple, qui ne respire qu'à viure paisiblement sous l'authorité du Roy, suivant les Loix divines & humaines, bannissant de cét Estat la cause des maux & dés miseres qu'il nous a fait souffrir.

Voila l'explication de la derniere Centurie, laquelle iointe au sens de la premiere, vous y trouuerez l'euenement des affaires de ce temps.

Les Arrests que le premier & le plus auguste Parlement de France vient de decerner contre ledit Mazarin, & les peuples qu'il a ruinez qui marchent tous vnanimément à sa perte, tant de sa vie que de ses biens qui vont estre mis à lancan, preuuent hautement la verité qui est contenue & cachée agreablement dans ce peu que vous pouuez lire. Cependant il faut que l'on aduoue qu'il n'y eut iamais de verité qui fut plus funeste à ce Royaume; & il est tres-certain que sa vie est en danger euident, puis qu'il n'y a aucun lieu sur la terre où il puisse trouuer quelque retraite. Si les hommes ne se vangent pas de ses violences, il faut croire que Dieu se seruira des demons pour en estre les bourreaux. Les enfans dans le berceau, demandent au Ciel qu'il vange leur innocence que cet oppresseur, comme vn nouuel Herode, veut exposer à toutes sortes de barbaries. Pour moy i'ay tousiours creu que ce perfide n'auoit rien de l'humain que l'apparence, & que c'est vn loup deuorant couuert de la peau d'vne brebis, mais ie croy que ce loup tombera à la fin en la puissance de tous les honnestes gens qui n'épargneront point cet infame. Toutes les influences, & toutes les apparences humaines nous font esperer vne meilleur conion cture d'affaires par le changement qui doit arriuer en peu de iours, Ce sont les vœux continuels que l'on fait sans sesse à Dieu, & ie pense qu'il les exaura, Cette priere est trop iuste pour n'estre pas escouté du Ciel, de qui nous attendons des prosperitez que nous auons perdues en la mort de nost re dernier Monarque, dont la pieté reuit en son successeur. Nous en auons des apparances, & tout le monde fait

des prieres à Dieu afin qu'il le conserue. Ce ieune Prince sera vn modelle de vertus pour tous les autres, & Dieu benira sa pieté, qui sera l'exemple qu'il saudra suiure pour bien saire, il ternira la gloire des Heros que les Histoires nous vantent, & c'est que nous vous promettons auec iuste raison par toutes les marques qu'il nous donne de mille belle qualitez qu'il possede.

> Addition des quatre vers de la Centurie 43. cy-dessus expliquée.

Lutece en Mars, Senateurs en credit, Par vine nuict Gaule sera troublée, Du grand Cræsus l'Horoscope predit, Par Saturnus, sa puissance exillée.

